

[Augsburg], 15. März 1579

An Matthias Ritter d. J.

Abschrift: Staats- und Stadtbibliothek Hamburg, Sup. ep. 2, fol. 147v-148r (S. 278f., Nr. 121) + fol. 146r-147r (S. 275-277).

S. Ea sumus uterque aetate Reuerende Vir Domine et amice Colende, ut nulla diaeta nulla medicina diligentia nulla profligare possit incommoda senectutis, aequo animo ferenda spe finis, et vitae melioris expectatione, quam nobis propter Christi meritum brevi largietur Deus Opt[imus] Max[imus]. Antequam tamen moriar hortatu amicorum ex aedibus quasdam nugas extrudere studeo, modo typographus offeratur. Successor Oporini Gemusaeus spei nonnihil fecit: à quo quod diligentiam eius perspexi, excudi maximè vellem, sed si is repudiarit, opem tuam implorabit M. Samuel Dilpomius: ut vel Francofurtensi alieno vel Birckmann[o] autor sis eas iis conditionibus excudendi, quas in hac charta notavi. In quo si nos iuvare potueritis: rem mihi gratissimam feretis (!). Sin minus. Libros eidem Diplomio (!) reddes, quos secum hoc reportet. Sciam enim Tibi non voluntatem ornandi mei sed facultatem defuisse. Vale Idibus Martii Anno 1579.

Hiero[nymus] Wolffius tuus.

P. ut saltem doctos et Typographos hortetur ad editionem <?> et Orig. Chenm. Alex. Chrys. Cyrill. Athan. Theodor. in ep. Theoph. in ep.

Mitto Francofurtum tabulam philosophicam cum praefatione et explicatione mea.

2. Hermiae insectationem graecolatinam item cum explicatione mea.
3. Typographum his subiungere velim, Desiderii Iacotii libellum de doctrina philosophorum ex Cicerone (Hic plerisque editionibus sententiarum Ciceronis adjunctus est).
4. Progymnasma in aliquot Ciceronis sententias.
5. Carmen de victoria Christianae classis.
6. Epitaphia Matthiae Schenckii. Haec omnia forma octava grandiore ita excudi velim: ut singuli libelli vel praeponi vel postponi, vel seorsim compingi possint.

II.

1. Commentariolos in primam Thusculanam mitto: cui accendent
2. Summa primi libri seu ἀνακεφαλαίωσις
3. Summa Gydonii (!) de contempnenda morte
4. Quaestiones officiorum Ciceronis
5. Commentariolus in secundam Thusculanam quem fortassis alicubi à studioso adolescente purè describi oportebit: ne compositor in assumentis et numeris inuersis haereat.
6. Tertia, quarta, quinta Thusculana cum brevibus annotationibus, et ipso libello (unde multae sententiae describendae erunt) et praefatio in totum opus maturè mittentur. Nunc propter aduersae valetudinis gravia impedimenta, nec citius nec accuratius confici potuerunt. Formam huius libri eandem esse uelim, quam superioris. Sed Typographus suo commodo mutare illam poterit. Quod si quaestiones officiorum seorsim excudere maluerit: non repugno: modò errata pro virib[us] caveantur.

III.

1. Utrunque opus ad nondinas proximi autumni edi cupio. Quod si quis recusarit: conveniatur alius, qui et velit et possit.
2. Pro labore meo puto non graue fore typographo mihi mittere quinquagena exempla: quae inter patronos et amicos distribuam. Laboro gratis: nec paruos feci sumptus sine ulla spe remunerationis pecuniariae. Sed si quis grauabitur tot exempla dare, contentus ero paucioribus.